



廖聖芳 小姐

客語・現代詩・學生組

第二名

得獎作品

想你个時節

得獎感言

人生有很多時候是必須自己一個人行走的，譬如寫詩和創作。如果這個時候你知道有人跟你是類似的經驗，應該就會感到有所安慰而不再孤獨了，這就是文學的力量。我從很年輕時就有所察覺了，我的自信和堅強，依靠的就是閱讀那些我喜歡的作家所領悟的生活經驗或生命歷程。

現在我用我個人的生命經驗從事創作，也是希望能夠幫助那些和我有類似經歷、相同感傷的人走出陰霾。藉由這首〈想你个時節〉，除了傳達將逝去的愛情化悲傷為力量之外，也期望現代的客語詩能夠像頭擺（從前）的客家山歌一樣，很生活化、很直率地表達內心的感情，不會只有緬懷過去，而更加應該的是活在當下！

想你个時節

想你个時節

佢就去行路，緊行緊行
行到汗水大痲粒溜過佢个面頰
正毋會分人看著佢个目汁
行到盡瘡盡瘡个時節
橫下來睡忒
就做得添放忒無你做伴个艱苦

想你个時節

佢就去行路，緊行緊想
人生像一條當崎个山路
輒輒一儕人疲爬極蹶
路項堵著麼儕都愛相借問
無論緣份係長抑短
搵加搵減就毋會一儕孤孤栖栖

時間像流水對佢个腳底溜走
日月星宿乜毋會為著麼儕頓恬
花開花落，四季遷徙
世間萬物無法度恆長
人个心性乜會跔等境遇蛻變
麼儕做得一直企在最開始个所在
永久無改變？

想你个時節，佢就去行路
行過鬧熱个街看人做撮把戲

行過恬靜个巷尋影仔講話
 行過直直个路、彎彎个橋
 起起落落，行遽行慢摻自家走相逐
 行到山个盡頭，企到嶼頂看底下个塵世
 尋著水个源頭，看清事物个本源
 人生个無奈何生、老、病、死
 貪、嗔、愛、癡，一眨眼就像日頭過影化做輕煙
 做得伸著麼个來紀念？

佢摻對你个思念當做信念
 行遍各地……
 等到幹轉頭來看著來時个路
 佢正知
 人生个風景靚、熾、苦、樂、長、短…
 行過、愛過就係一種幸福
 就算高不而將來分離
 乜愛摻彼此祝福

故所佢愛感謝你，感謝你
 分佢用行路來體驗生活个味緒
 逐擺恸起遇著个人、遶過个屋
 看過个景象觸動感動
 分佢體會汗水做得算忒目汁
 悲哀顛倒歡喜、希望贏過絕望
 佢躡出个每一隻腳胛
 係心靈淨化个修行
 摻悲傷變做一幅一幅
 靚靚个世界風景
 再將這兜無法度寄出个名信片
 拜託風，遙祭你